

## Paerewa Paetae

**Aronga** Hangarau 2.6

**Ingoa** Te whakaputa i tētahi hua hangarau kai hei whakaea i tētahi take hangarau motuhake

<b>Kaupae</b>	2	<b>Whiwhinga</b>	6	<b>Aromatawai</b>	<b>Ā-roto</b>
---------------	---	------------------	---	-------------------	---------------

**Marau akoranga** Te Marautanga o Aotearoa

**Kokonga akoranga** Hangarau

**Mana rēhita** **Te rā i mana ai**

**Te rā e arotakengia ai** **Te rā i puta ai**

---

### Te Hononga ki te Marautanga

I ahu mai tēnei paerewa paetae te Taumata 7 o *Te Marautanga o Aotearoa* i whakaputaina e Te Pou Taki Kōrero, 2008.

### Whāinga Paetae

*Te Whakaharatau Hangarau*

- 6 *Ka kōwhiri i ngā whakatakotoranga kia tika ai te otinga.*
- 7 *Ka whakatairanga, ka parahau i ngā otinga i runga anō i te āhua o te hiahia, o te urupare a te kiritaki, a te hapori whānui hoki.*

E hono ana ki te Papa Whakaako mō te Hangarau kei te pae ipurangi nei:

<http://tmoa.tki.org.nz/Te-Marautanga-o-Aotearoa/Taumata-Matauranga-a-Motu-Ka-Taea>.

### Te Hononga ki ngā Tikanga Aromatawai

Kei tēnei pae ipurangi ngā Tikanga Aromatawai mō tēnei paerewa paetae:

<http://tmoa.tki.org.nz/Te-Marautanga-o-Aotearoa/Taumata-Matauranga-a-Motu-Ka-Taea>.

**Paerewa Paetae**

<b>Paetae</b> Te whakaputa i tētahi hua hangarau kai hei whakaea i tētahi take hangarau motuhake.	Hei tohu i te paetae: <ul style="list-style-type: none"><li>• Ka puta tētahi hua hangarau kai.</li><li>• Ka whakatutuki te hua hangarau kai i ētahi o ngā aratohu.</li></ul>
<b>Kaiaka</b> He kaiaka te whakaputa i tētahi hua hangarau kai hei whakaea i tētahi take hangarau motuhake.	Hei tohu i te kaiaka: <ul style="list-style-type: none"><li>• Ka whaitake te hua hangarau kai, arā:<ul style="list-style-type: none"><li>- ka whakaea i te tauāki.</li><li>- ka kitea ētahi wāhangā o te kounga o te hua hangarau kai ka puta.</li></ul></li></ul>
<b>Kairangi</b> He kairangi te whakaputa i tētahi hua hangarau kai hei whakaea i tētahi take hangarau motuhake.	Hei tohu i te kairangi: <ul style="list-style-type: none"><li>• Ka hāngai pū te hua hangarau kai ki te tauāki, arā:<ul style="list-style-type: none"><li>- ka arotake i ngā āhuatanga me whakarerekē, me whakatikatika, me whakahou rānei.</li><li>- ka kitea te kounga o te hua hangarau kai ka puta.</li></ul></li><li>• Ka kitea he wairua auaha i roto i te whakaputanga o te hua hangarau.</li></ul>

**Kōrero Āpiti**

1 E whai ake nei ngā whakamārama o ngā tino kupu, kianga rānei:

whakaea	He kimi rongoā, he kimi ahunga whakamua, he kimi hua rānei e tutuki ai, e mārama ai rānei te take.
hāngai	E tōtika ana mō ngā āhuatanga e hiahiatia ana e te tangata, ā-hanga, ā-karu, ā-aha kē atu rānei.
hua hangarau kai	E whakaarohipa ana ngā mea pēnei i: <ul style="list-style-type: none"><li>• ngā tikanga rokiroki/kōtutu</li><li>• ngā takai</li><li>• ngā tikanga tunu</li><li>• ngā tikanga kohi kai, whakatipu kai hoki (pērā i te maramataka)</li><li>• ngā rongoā</li><li>• ngā pūnaha whakahaere wharekai, kāuta, kīhini rānei</li></ul>
tauāki	He pitopito kōrero whānui tonu mō tētahi hua hangarau. E rua ūna wāhangā: ko te ariā tērā e kōrerohipa ai tōna āhua, te pēhea o tana mahi, me te take e mahia mai ai; ko ngā aratohu/tohutohu hoki tērā ka waiho hei ārahi i te ringa hangarau i roto i te whakaputanga o te hua hangarau, otirā

	hei arotake i te hāngai me te whaitake o taua hangarau ki te take i whakaputaina ai.
take hangarau motuhake	He take hangarau e whai pānga ana ki te hapori, i tohungia rānei e te ākonga i runga i tana kite i te hira o te take ki te hapori.

- 2 Me takoto mai te take hangarau motuhake i roto i tētahi tauāki ka tohungia e te kaiako, e te ākonga rānei. Mā te kaiako anō e whakatau mēnā e pai ana te tauāki hei kawe i tēnei aromatawai.

### Tātari Kounga

- 1 Me mātua whakamana ngā Kaituku Akoranga me ngā Whakahaere Whakangungu Ahumahi e te Mana Tohu Mātauranga o Aotearoa ka rēhita ai i ngā hua ka puta mai i ngā aromatawai ki ngā paerewa paetae.
- 2 Ko ngā Kaituku Akoranga me ngā Whakahaere Whakangungu Ahumahi kua mana, ā, e aromatawai ana i ā rātou hōtaka ki ngā paerewa paetae, me uru rātou ki ngā pūnaha whakaōrite e tika ana mō aua paerewa paetae.

Ko te tohutoro ki te Mahere Whakamana, Whakaōritenga hoki

0233

TAU